




DS
735
A2C8
19L-
v.1



吳大 中丞 鑑定

山陰

周靜亭
吳楚材
周星若

同輯

綱鑑易知錄

敬仁堂藏板

序

予童年有志讀史然至
老究未嘗一卒讀者何
也蓋予性最拙讀時不
能遽解待解移時輒忘

又識字甚少時須考證
且少以足疾廢六經諸
子無心涉獵都邑山川
不一遊覽縱有志讀史
亦猶聾者之無聞盲者

之無見故讀未終篇輒
生厭倦此予所以究未
嘗一卒讀也雖然予旣
有志讀史矣而欲待博
羣書以悉其所聞歷名

山大川以窮其所見度
必不能然則予將作如
何讀法而後可邪常觀
世之樂於讀史者類多
穎悟絕人之士一目數

行俱下一覽終身不忘
讀時不求甚解會心在
牝牡驪黃之外故觀史
務求其詳論史必歸於
雅而若予之拙者欲求

讀史之法寧簡毋詳寧
陋毋雅庶乎其得之邪
周子靜專星若予忘年
友也弱冠工舉子業而
尤邃史學乙酉歲攜其

手輯綱目全編以示予
讀史之法予遂與二子
復相編輯不閒祁寒暑
雨者殆六載苦簡篇之
汗漫爲之摘要而刪繁

慮大義之不明爲之提
綱而挈領典故則攬撫
源流詳箋細釋不必腹
具經笥胸藏史鏡而燎
若指掌輿地則遡厥沿

革援古證今不必南浮
北過西至東漸而宛如
在目分涇別渭辨淄知
澠則圈殊星列妍媸爛
然而游移上下之見不

設也沉奧屈曲之句險
怪奇澀之文則點讀分
明鉤點截然而聲牙澀
啞之苦不形也迨夫字
畫較毫釐音聲辨纖悉

務絕譌以襲譌謬以承
謬之弊則魯魚亥豕之
誤杖杜伏獵之差殆可
免矣至若覩此而失彼
記乙而忘甲則注不勝

注解不勝解失注則遺
複解仍晦乃立見前見
後法如呼醉使醒警夢
使覺則全部神理首尾
貫穿不猶全體血脈上

下流通也哉予乃今而
知讀史之法其在是乎
予因之有感矣向有志
讀史而未能一卒讀及
欲求一讀史之法而不

可得得與二子共相編
輯以迄成書縱不能博
羣書以悉其所聞歷名
山大川以窮其所見以
視予前日之耳無聞而

目無見者大有逕庭然
後知觀史之不欲論史
之不明者非盡天資遲
鈍庸師誤人亦由編輯
成書者引導無方而致

然也二子屬予鏤版行之世予曰是書未可遽以問世也姑以私便檢閱自備遺忘藏之家塾以課弟子已耳適予友

朱子聖懷亦寄予明紀
鈔略一編遂續輯而并
付之梓再閱歲工始竣
二子復謂予曰若得大
人先生序引則是書可

行且能及遠予謂既無
卓絕千古之識論定百
代之興亡復鮮著作辨
論之才品騭人事之得
失而徒沾沾於句櫛字



比審音訓義之末是殆
兔園學究之所爲行且
不能何望及遠顏曰易
知錄同予之拙者幾人
鮮不病予之簡而笑予

之陋也

康熙五十年秋七月十

五日山陰吳乘權楚

材題於尺木堂



先儒姓氏

西漢

龍門司馬氏

名遷字子長龍門人父談為太史遷繼父業作史記

洛陽賈氏

名誼洛陽人著有過秦論治安策

廣川董氏

名仲舒廣川人著有賢良三策

彭城劉氏

名向字子政本名更生著洪範五行列女傳新序說苑

東漢

茂陵班氏

名彪字叔皮茂陵人著王命論及賦論奏事凡九篇彪子固字孟堅著西漢書及兩都賦

扶風曹氏

姓班名昭字惠姬彪之女適曹世叔早寡號曹大家兄固著漢書未成而卒詔昭踵成之

平陵賈氏

名逵字景伯平陵人注史記及著經傳義并論難百餘萬言

長陵馬氏

名融字季長茂陵人校正史記譌謬

南陽劉氏

名珍字秋孫南陽人作建武以來名臣傳

琅邪伏氏

名儼字景弘琅邪人著前漢書糾繆

北海鄭氏

名玄字康成北海高密人注史記

滎陽服氏

名虔字子慎滎陽人注前漢書

潁川荀氏

名悅字仲豫潁川潁陰人淑之孫刪漢書為帝紀三十卷

汝南應氏

名劭字仲瑗汝南人著漢官儀及風俗通行於世

南陽文氏

名穎字叔良南陽人注前漢書一百三十二卷

三國

巴蜀譙氏

名周字允南巴西人著古史考

陳畱蘇氏

名林字孝友陳畱人注前漢書一百三十卷

東海王氏

名肅字子雍東海人著史記及諸經傳注

安平孟氏

名康字公休安平人著前漢書行於世

馮翊如氏

名淳馮翊人著前漢書行於世

雲陽韋氏

名昭字洪嗣雲陽人撰吳書

餘姚虞氏

名翻字仲翔餘姚人著史記國語訓註傳於世

中山張氏

名晏字子傳中山人著西漢書音釋四十卷

西晉

高唐華氏

名蟠字叔駿高唐人表之子自作漢紀三十卷

巴蜀陳氏

名壽字承祚巴西安漢人撰三國志六十五篇

河南晉氏

名灼字子盛河南人著前漢書音釋四十卷

高平劉氏

名寶字道真高平人著歷代史書考異行於世

泥陽傅氏

名玄字體奕本靈州人徙居泥陽撰魏書

東晉

河東郭氏

名璞字景純河東人博學高才注爾雅及西漢司馬相如傳

陽夏袁氏

名宏字彥治陽夏人著國志及東征等賦

陳郡王氏

名隱銓之子陳郡人撰晉史九十餘卷

餘姚虞氏

名豫字叔寧餘姚人著西漢書四十餘卷

太原孫氏

名盛字安國太原人博學善言著魏武春秋三十卷及晉春秋十餘卷

襄陽習氏

名鑒齒字彥威襄陽人博學治聞著漢晉春秋五十四卷

陳畱蔡氏

名謨字道明陳畱考城人著前漢書百餘卷

嘉興于氏

名寶字令升新蔡人徙嘉興著管紀三十卷春秋左氏外傳注

丹陽薛氏

名瑩字文潔丹陽人撰後漢東觀記百餘卷

陽夏袁氏

名崧字道高陽夏人撰後漢書一百卷

東莞徐氏

名廣字野民東莞人撰史記音義十三卷脩晉紀四十一卷

南北朝

順陽范氏

名曄字蔚宗順陽人刪後漢書成一家之作

河東裴氏

名松之子世期聞喜人注三國志二十卷松之字駟字龍駒注史記四十卷

會稽謝氏

名靈運會稽人玄之孫家於上虞撰晉書三十五卷

武康沈氏

名約字休文武康人博極羣書善屬文著晉宋齊書

平原劉氏

名昭字宜卿平原人注後漢書一百八十卷

吳郡顧氏

名野王字希馮吳郡人著陳書三卷及輿地志國史記傳

清河崔氏

名浩字伯淵清河人博極羣書敘成國書三十卷及校正晉書五十餘卷

鉅鹿魏氏

名收字伯啓鉅鹿人纂脩國史及魏史

隋

曲陽魏氏

名澹字彥深下曲陽人諡澹別成魏史矯魏收之失極爲簡要

博陵李氏

名德林子百藥踵作全編五十卷四卷○德林子百藥踵作全編五十卷

唐

鉅鹿魏氏

名徵字玄成鉅鹿人撰隋書本紀列傳

洛陽長孫氏

名無忌字輔機洛陽人博涉書史撰隋書志行於世

宜州令狐氏

名德芬宜州人隋末棄官仕唐與李延壽皆以史學名當世撰後周書

魏郡李氏

名延壽字延齡相州人撰南北史一百八十卷及唐太宗政典

章懷太子

名賢字明允高宗子招集名儒張大安等共注范曄後漢書

琅邪顏氏

名籀字師古琅邪臨沂人顏子三十七世孫注西漢書

龍門王氏

名劭字君懋勃之弟撰隋書八十卷

彭城劉氏

名知幾字子元彭城人博覽羣書脩國史著史通內外四十九篇

浚儀吳氏

名兢字州浚儀人纂脩國史事多核實世人比之量狐又撰貞觀政要及大唐春秋

河內司馬氏

名貞字子正河內人撰史記索隱及補三皇紀自號小司馬以別之

京兆杜氏

名佑字君卿京兆萬年人撰通典

昌黎韓氏

名愈字退之南陽人爲文粹然一出於正學者仰之如泰山北斗脩願宗憲宗實錄

贊皇李氏

名德裕字文饒贊皇人吉甫之子注前後漢書行世

五代

歸義劉氏

名煦字日輝涿州歸義人撰舊唐史通鑑等書

宋

肥鄉李氏

名沆字太初肥鄉人著五代史註疏三十卷

河南富氏

名弼字彥國河南人篤學有大度著唐鑑纂疏

晉城劉氏

名義叟晉城人脩唐史律曆天文五行志著十二代史劉氏輯曆春秋災異諸書

陽翟孫氏

名甫字之翰陽翟人著唐史記二十五卷

廬陵歐陽氏

名脩字永叔廬陵人文章名冠天下諡文忠撰唐書五代史

溫陵曾氏

名公亮晉江人爲宰相練達朝政諡宣靖與歐陽脩宋祁同脩新唐書

雍丘宋氏

名祁字子京雍丘人庠之弟與兄同時舉進士與歐陽脩會公亮同脩新唐書

奉符石氏

名介字守道奉符人師事孫復固窮力學著唐書糾繆

浦城章氏

名衡字子平浦城人嘉祐初進士第一神宗朝進編年通載十卷

永康徐氏

名元黨字中立永康人著五代史集注

濂溪周氏

名敦頤字茂叔道州營道人博覽羣書著太極圖及通書行於世學者稱為濂溪先生

新喻孔氏

名武仲字常父新喻人著唐書集注一百三十卷

河南程氏

名顥字伯淳世稱明道先生諡純公封河南伯。顯弟頤字正叔世稱伊川先生諡正公封伊陽伯

龜山楊氏

名時字中立將樂人潛心經史號龜山先生諡文簡

眉山蘇氏

名洵字滌明號老泉眉山人二十七歲始發憤為學名播天下

東坡蘇氏

名軾字子瞻號東坡洵子博通經史為文渾涵光芒雄視百世著唐書辨疑及文集行於世

顏濱蘇氏

名轍字子由號穎濱洵次子為文汪洋澹泊而有秀傑之氣著古史五十餘卷

淮海秦氏

名觀字少游高郵人長於議論文麗而思深著淮海閒居集及議論兩漢書

淮陰張氏

名來字文潛淮陰人十二歲能文弱冠登進士著兩漢決疑八十餘卷

涑水司馬氏

名光字君實平陽夏縣人累官端明殿學士封溫國公諡文正脩資治通鑑別為目錄三十卷

道源劉氏

名恕京兆人皇祐初舉進士與司馬溫公同脩通鑑又編通鑑全紀及外紀

華陽范氏

名祖禹字淳父華陽人鎮從孫舉進士甲科與溫公同脩通鑑又脩唐鑑十一卷仁宗政典六卷

清江三劉氏

劉敞字貢父清江人學問淵博為文尤瞻敏著兩漢刊誤。劉攽字原父敞之弟博極羣書與兄並

南豐二曾氏

曾鞏字子固南豐人文章與歐陽脩齊名世稱南豐先生著兩漢議論行世。曾肇字子開鞏之弟

豐先生著兩漢議論行世。曾肇字子開鞏之弟場龜山稱其立朝端嚴有大臣體與兄同著兩漢議論

眉山史氏

名焯字子熙眉山山人父清卿舊職兄弟師事之焯博學能文作通鑑音釋三十卷

武夷胡氏

名安國字康侯崇安人累官至給事中諡文定著春秋傳及脩成通鑑舉要補遺二書

致堂胡氏

名寅字明仲安國長子從楊時學世稱致堂先生著讀史管見數千萬言

五峰胡氏

名宏字仁仲安國季子幼事楊時侯仲良而率傳父學以蔭補承務郎不調著皇王大紀八十卷

籍溪胡氏

名憲字原仲安國從子晚年名爲祕書正字朱熹師事最久世稱籍溪先生著兩漢書辨正等書

屏山劉氏

名子翬字彥中崇安人幹次子痛父死廬墓三年朱熹常與之遊號屏山先生

白水劉氏

名勉之字致中崇安人鄉舉詣太學師事譙定楊時號白水先生朱松卒屬以後事令子熹受學妻以女

晦庵朱氏

名熹字元晦婺源人松之子累官煥章閣待制侍講注四書易詩等書及著通鑑綱目

象山陸氏

名九淵字子靜金谿人登進士第與朱子遊講道於鉛山鵝湖世稱象山先生著文集行世

南軒張氏

名栻字敬夫成都綿竹人浚長子穎悟夙成以古聖賢自期孝宗召爲吏部侍郎學者稱南軒先生

河南呂氏

名本中，字居仁。其先河南人，徙居壽州。好問之子，著《宋論》四十卷及《春秋解》等書。

東萊呂氏

名祖謙，字伯恭，壽州人。蒙正之後，倡道於婺，得中原文獻之傳。著《左氏博議》及《諸史詳節》、《大事記》等書。

了翁陳氏

名瓘，字瑩中，沔縣人。登進士第，號了翁。著《兩漢議論》八十卷及《尊堯集》十二卷。

少微江氏

名贊，崇安人。養高林泉，天子使人三聘之，著《通鑑節要》二十卷，自周威烈至五代行世。

莆陽黃氏

名公度，莆田人。紹興初舉進士第一，工詩能文，著《漢書鵠譌》及《知稼集》等書。

金華唐氏

名仲友，字輔仁，金華人。講析經史，號說齋。著《皇極經世圖譜》及《兩漢精義》等書。

丹稜李氏

名燾，字仁甫，丹稜人。博極羣書，以名節學術知名海內。作《續資治通鑑長編》用力四十年，乃成《謚文簡》。

侯官林氏

名之奇，字少穎，侯官人。號拙齋。呂祖謙嘗師之，著《書經全簡》等書，卒祠於學。

止齋陳氏

名傳良，字君舉，瑞安人。累官至寶謨閣待制，稱止齋先生。著《左氏章旨》及《兩漢博議》等書。

永嘉陳氏

名謙，字益之，永嘉人。累官寶謨閣待制，著《兩漢精義》及《春秋解》等書。

默齋游氏

名九言字訥夫建陽人年十二即為文詆切泰檜受學於張南軒累官知光化軍著有漢唐精義

季雅陳氏

字季雅著漢唐論斷行於世

朱氏

黼

名黼著秦漢論斷行於世

遂昌尹氏

名起莘遂昌人隱居不仕學問該洽著通鑑綱目發明五十九卷行於世

永新劉氏

名友益永新人宋亡十築萬山閒杜門讀書不與世接著通鑑綱目書法五十卷

龍州李氏

名舜臣字子思井研人八歲能屬文乾道初舉進士遂於易學著晉書辨證等書行於世

平庵項氏

名安世字平父括蒼人淳熙初舉進士自號平庵著易玩辭及兩漢表行於世

西山蔡氏

名元定字季通建陽人生而穎異師事朱熹學者稱西山先生

南宮靖一

著小學史斷行於世

廬陵羅氏

名泌字長源廬陵人學問該博著路史行於世

雙湖胡氏

名一桂字庭芳婺源人年十八領鄉薦試禮部不第退而講學遠近師之著十七史纂

西山真氏

名德秀字景元浦城人四歲受書過目成誦累官叅知政事號西山先生著大學衍義唐書考疑等書

慈谿黃氏

名震字伯啓慈谿人淳祐中登進士爲人清介自守獨宗朱氏學著有日鈔行於世

勿軒熊氏

名禾字去非建陽人理宗朝爲寧武州司戶參軍入元不仕著通鑑疑難等書

廬陵文氏

名天祥字宋瑞廬陵人舉進士第一宋亡死節明朝追諡忠烈著兩漢博議

疊山謝氏

名枋得字君直弋陽人爲文高古卓邁世稱疊山先生累官至侍郎宋亡遁入建陽尋被執絕食而卒

仁山金氏

名履祥蘭谿人少有經世志以史館編脩召名及用而宋亡遂隱居著通鑑前編等書

元

定宇陳氏

名櫟字茂叔休寧人性剛正孝友延祐初舉鄉試不復赴禮部教授於家數十年著漢唐撮要行世

圭齋歐陽氏

名玄劉陽人八歲能屬文文章道德卓然鳴世幸追封楚國公著唐書纂要及圭齋文集

平定李氏

名思成字德甫平定人泰定初舉進士總裁宋遼金三史著兩漢通紀卒諡忠肅

義烏黃氏

名滄義烏人自幼篤學博極羣書累官侍講學士諡文獻著兩漢精義

四明陳氏

名樞字子樞明州奉化人博學有史才著通鑑續編等書

祁門汪氏

名克寬祁門人少穎敏力學舉於鄉不第遂隱居教授號環谷先生著春秋纂疏綱目考異

慈湖王氏

名幼學望江人篤志力學讀朱子綱目苦其援引幽遠句讀疑難乃博采百家著綱目集覽

上虞徐氏

名昭文上虞人著綱目考證

明

青田劉氏

名基字伯溫青田人元進士棄官隱居明太祖召用之封誠意伯著郁離子覆瓿集等書

潛溪宋氏

名濂字景濂婺州人郡守王宗顯開郡學延濂為五經師累官至學士與王禕同脩元史

金華王氏

名禕金華人朱文忠守金華薦禕名周之獻平江西頌與宋濂同脩元史二百十卷

正學方氏

名孝孺字希古累官學士永樂初抗節不屈遂遇害著遜志齋文集及史評行於世

山陰胡氏

名粹中山陰人博通經史尤長於春秋累官至提學著元史續編行於世

臨江張氏

名九韶字美和臨江人元時累舉不第明初聘為清江教諭累官至翰林編脩著元史續編

石門梁氏

名寅字孟敬新喻人通五經元末累舉不第明初召至京議禮以年老告歸著宋元史略

永新劉氏

名定之字玉淨末新人登正統中進士累官至禮部侍郎謚文安著宋元論斷行世

毗廬陳氏

名濟武進人永樂初以布衣召脩永樂大典為總裁書成授右贊善補元史舉要通鑑綱目集覽正誤

瓊山丘氏

名濬字仲深瓊山人登景泰中進士博極羣書一覽不遺累官禮部侍郎著大學衍義補及世史等書

建安馮氏

名智舒建安人著綱目質實

鄱陽王氏

名逢鄱陽人博學洽聞正統間舉經明行脩不就退居教授世稱松塢先生著通鑑節要

仁齋劉氏

名剡字用章建陽人家貧力學不于仕進纂脩少誠宋元二鑑行世

雪航趙氏

名弼字輔之南平人教授鄉邑從遊甚衆著雪航膚見等書行世

素庵商氏

名輅號素庵淳安人聯捷三元累官吏部尚書兼文淵閣大學士脩儒臣續編宋元綱目

守溪王氏

名鏊字濟之吳縣人登進士累官大學士諡文恪著宋論及震澤文集

虛齋蔡氏

名清字介夫晉江人鄉試第一累官祭酒經明操潔爲理學名臣著綱目垂筆及四書易經蒙引行世

建陽劉氏

名弘毅建陽人著綱目實實

靜軒周氏

名禮字德恭餘杭人著通鑑外紀論斷朱子綱目折衷及續綱目發明

雲間張氏

名時泰雲間人著續綱目廣義

常熟丁氏

名奉常號人號南湖登進士著通鑑節要論斷行於世

陽明王氏

名守仁餘姚人登進士封新建伯爲學以致良知爲本學者宗之稱陽明先生著文集行世

篁墩程氏

名敏政字克勤休寧人登進士官至翰林學士著篁墩文集行世

臨海王氏

名宗沐字昭甫臨海人累官至工部侍郎脩宋元續資治通鑑

廻瀾顧氏

名允上虞人登鄉薦博學羣書著歷朝捷錄行世

荆川唐氏

名順之字應德武進人會試第一累官都御史為金陵文學之祖著文集行世

一峰羅氏

名倫字彝正江西永豐人殿試第一勅大學士李賢起復被謫辭官隱居金牛洞為理學名臣著有文集

西涯李氏

名東陽字濱之湖廣茶陵人官至大學士諡文正著有文集

紫峰陳氏

名琛字思獻晉江人登進士官至江西提學僉事著四書淺說及紫峰文集行世

理齋諸氏

名變餘姚人登進士官刑部主事著文集通鑑會纂行世

敬齋薛氏

名瑄河東人登進士累官至禮部侍郎為理學名臣著讀書錄

琅邪王氏

名世貞字元美太倉人登進士著弇山別集行世

月峰孫氏

名鑑餘姚人登進士官尚書自五經四子及秦漢以下諸書皆有評點著居業編行世

了凡袁氏名黃浙江嘉善趙田人登進士累官兵部主事博極羣書著史漢定本及四書五經疏意綱鑑補行世

安平黃氏名汝良號毅庵晉江人登進士官侍郎纂脩國史

小野倪氏名宗正餘姚人登進士官翰林贈學士諡文忠著易說小野集行世

考古趙氏名謙餘姚人博學好古被辟為教授著有聲音文字通一百卷歷代譜系辨略二十六卷

清源楊氏名道實號荆岩晉江人登榜眼官侍郎纂脩國史

明卿陳氏名仁錫長洲人登進士官翰林諡文莊著四書備考潛確類書世法錄經濟編及評閱通鑑綱目行世

會稽陶氏名望齡號石簣會稽人萬曆已丑會元著歇庵文集

宣城湯氏名賓尹號藿林萬曆乙未會元著睡菴文集

溫陵李氏名廷機字爾張晉江人萬曆庚午解元癸未會元榜眼官至大學士著四書口義

福清葉氏名向高字進卿號臺山福清人萬曆癸未會魁官至大學士著蒼霞草文集

鴻寶倪氏

名元璐上虞人登進士官尚書疏毀三朝要典海內傳誦為快論崇禎末死難論文正

戴山劉氏

名宗周山陰人登進士官左都御史為學本土敬誠意舉證人社會以開來繼往為已任著四子書語錄

新安倪氏

名上毅字仲弘號道川休寧人纂四書輯釋大中或問歷代帝王說等書行世

共來堂綱鑑易知錄目錄

三皇紀 卷之一

盤古氏 天皇氏 地皇氏 人皇氏 有巢氏 燧人

氏

五帝紀 卷之一

伏羲氏 神農氏 黃帝 帝少昊 帝顓頊 帝嚳

帝堯 帝舜

夏紀 卷之一
之二

大禹 帝啓 太康 仲康 帝相 少康 帝杼 帝

槐 帝芒 帝泄 帝不降 帝局 帝廕 帝孔甲

帝皐 帝發 桀癸

商紀 卷之二

成湯 太甲 沃丁 太庚 小甲 雍己 太戊 仲

丁 外壬 河亶甲 祖乙 祖辛 沃甲 祖丁 南

庚 陽甲 盤庚 小辛 小乙 武丁 祖庚 祖甲

廩辛 庚丁 武乙 太丁 帝乙 紂辛

周紀 卷之二

至七

武王 成王 康王 昭王 穆王 恭王 懿王 孝

三 夷王 厲王 宣王 幽王 平王 桓王 莊王

釐王 惠王 襄王 頃王 匡王 定王 簡王

靈王 景王 敬王 元王 貞定王 考王 威烈王

安王 顯王 慎靚王 赧王 東周君

秦紀 卷之七

莊襄王

後秦紀 卷之八

始皇帝 在位十二年 二世 在位三年

漢紀 卷之九 至十八

高祖

在位八年

惠帝

在位七年

呂后

僭位八年

文帝

在位二十三年

景帝

在位十六年

武帝

在位五十四年
元鼎元封太初
天漢大始征和後元
元狩元狩元狩

昭帝

在位十三年

始元元平

宣帝

在位二十五年
元康神爵五鳳
甘露黃龍

元帝

在位十六年
元初元初元初

末光建昭竟寧

成帝

在位二十六年
陽朔鴻嘉末始元
延綏和

哀帝

在位六年
號建平元

壽平帝

在位五年
號元始

孺子嬰

王莽居攝二年
僭位十五年
號地皇

淮

陽王

在位二年
號更始

東漢紀

卷十九
至二十七

光武

在位三十三年
號建武中元

明帝

在位十八年
號永平

章帝

在位十三年
號建初元和章和

和帝

在位十七年
號永元元興

殤帝

在位一年
號延平

安帝

在位十九年
號永初永樂建光

延光順帝 在位十九年 號永建 冲帝 在位一年 質帝 在位一年

初桓帝 在位二十一年 號建和 和平 靈帝 在位二十二年 號建寧 熹平 光

和中 獻帝 在位三十一年 號 初平 興平 建安

後漢紀 卷二十七 附魏吳

昭烈 在位三年 號章武 後帝 在位四十一年 號建興 延禧 景耀 炎興

晉紀 卷二十九

武帝 在位二十五年 號 泰始 咸寧 太康 惠帝 在位十七年 號永熙 元康 懷

帝 在位六年 號永嘉 愍帝 在位四年 號建興

東晉紀 卷三十一 至三五

元帝

在位六年號建武大興永昌

明帝

在位三年號太寧

成帝

在位十七年號威和威康

康

帝

在位二年號建元

穆帝

在位十七年號永和升平

哀帝

在位四年號隆和興寧

帝奕

在位

五年號太和

簡文

在位二年號咸安

孝武

在位二十四年號寧康太元

安帝

在位二年

號隆安元興義熙

恭帝

在位二年號元熙

南北朝

宋紀

卷三五

附北魏

高祖

在位三年號永初

少帝

在位一年號景平

文帝

在位三十年號元嘉

武帝

在位十一年

年號孝建大明

廢帝

在位一年號景和

明帝

在位八年號泰始泰豫

蒼梧王

在位四年號元

徽

順帝

在位二年號昇明

齊紀卷三十六附北魏

高帝

在位四年
號建元

武帝

在位十一年
號永明

明帝

在位五年
號建武永泰

東昏侯

在位二年
號永元

和帝

在位一年
號中興

梁紀

卷三十九

附北魏

武帝

在位四十八年
號天監普通大通
中大通大同太清

簡文

在位二年
號大寶

元帝

在位三年
號承聖

敬帝

在位二年
號紹泰太平

陳紀

卷三十九

附北齊周

高祖

在位三年
號永定

文帝

在位七年
號天嘉天康

廢帝

在位二年
號光大

宣帝

在位

十四年
號大建

後主

在位六年
號至德禎明

隋紀 卷四十一

高祖 在位十六年 號開皇 煬帝 在位十二年 號大業 恭帝 在位二年 號義寧 恭帝

侗 在位一年 號皇泰

唐紀 卷四十二

高祖 在位九年 號武德 太宗 在位二十三年 號貞觀 高宗 在位三十四年 號

德乾 封總章咸亨上元儀鳳 中宗 居房州十四年 復位五 調露永隆開耀永淳弘道 年 號神龍景龍 附武

后 僭位二十一年 號曰周 睿宗 在位三年 號 年 改國號曰周 景雲太極 玄宗 在位四十二年 號 開元天寶 肅

宗 在位七年 號至德 代宗 在位十七年 號 乾元 上元寶應 廣德永泰大曆 德宗 在位二十 五年 號建

中興元 貞元 順宗 在位一年 憲宗 在位十五年 穆宗 在位四年 敬 貞元 順宗 在位一年 憲宗 在位十五年 穆宗 在位四年 敬

宗在位二年 文宗在位十四年 武宗在位六年 宣宗在位十三

年號寶曆 懿宗在位十四年 僖宗在位十五年 昭宗在位五

乾寧龍結大順景福 昭宣帝在位三年

五代梁唐晉

後梁紀卷六

太祖在位六年 梁主璘在位十年 乾

後唐紀卷六

莊宗在位三年 明宗在位八年 閔帝在位四月 廢帝在

二年號 清泰

後晉紀

卷六

高祖

在位七年
號天福

出帝

在位三年
號開運

後漢紀

卷六

高祖

在位二年
號乾祐

隱帝

在位二年
仍號乾祐

後周紀

卷六

太祖

在位三年
號廣順

世宗

在位六年
號顯德

恭帝

在位六月
仍號顯德

宋紀

卷六

附遼後附金

太祖

在位十六年
建隆乾德開寶

太宗

在位二十二年
國雍熙端拱淳化至道

真宗

在位二十五年
號咸平景
大中祥符天禧乾興

仁宗

在位四十二年
道景祐寶元康定慶曆皇

祐至和
英宗 在位四年
神宗 在位十八年
哲宗 在位十五年

嘉祐
徽宗 在位二十五年
欽宗 在位十年
紹聖
元符

南宋紀 卷七十八 附金後附元

高宗 在位三十六年
孝宗 在位二十七年
光宗 在位五年

熙寧
寧宗 在位三十年
理宗 在位四十年
景定

度宗 在位十年
恭宗 在位一年
端宗 在位三年
帝昺 在位

祥興 一年號

元紀 卷九十二

世祖 在位十五年
成宗 在位十三年
武宗 在位四年
仁宗 在位

九年號皇

英宗

在位三年

泰定帝

在位四年號

明宗

在位八月

慶延祐

文宗

在位五年號

順帝

在位三十五年號

明紀

別爲十卷

太祖

在位三十一年

建文帝

在位四年

太宗

在位二十二年

仁

宗

在位一年

宣宗

在位十年

英宗

在位共二十二年

景帝

在位

七年號

憲宗

在位二十三年

孝宗

在位十八年

武宗

在位十六年

世宗

在位四十五年

穆宗

在位六年

神宗

在位四十八年

光宗

在位一月

熹宗

在位七年

懷宗

在位十七年

崇禎

在位十七年

發凡十則

通鑑刪煩

通鑑固須全讀但人之姿性高下懸絕卷帙太煩豈
能一槩記誦勢不得不刪然信手刪去盡失頭緒如
何看得明白茲則細加斟酌事之源委人之始末起
伏照應明若觀火

綱目全列

目之有綱猶傳之有經也使有目而無綱則目於何
處著落而其閒之褒貶予奪亦茫無所據矣茲則有

有綱而無目未有有目而無綱者如人著眉如龍點眼褒貶予奪乃有定論

創立紀編

綱目正編自威烈迄五季續編自兩宋迄有元茲則上起三皇下終明代則威烈以前有元以後綱目豈敢自立然金氏有前編尊之爲綱而目則變而云紀谷氏有紀事仍之爲紀而綱則變而云編不敢自立綱目之名亦以不失綱目之意云爾

複出則見

是編計百七卷合三千六百張覽過不忘者無論矣
然中人之資什之七八遘有人同事同典故同輿地
同者觀前固味後觀後亦遺前注不勝注解不勝解
故遇有相同處隔遠者則云見幾行幾張在上下卷
者則云見上卷幾張下卷幾張在本卷者則云見上
幾張或下幾張在三五張內者則但云見上見下不
煩注解而無味後遺前之失更覺通體精神

典故詳明

典故或本經傳或出子史究疎者全未講究卽素號

博雅之儒亦不過識其大槩而已或未必能確然指
爲某經某傳某子某史者不甚分曉便不親切茲則
必指出爲某經傳某子史且必指出爲某經傳子史
之某篇某章自覺有味乎其言

輿圖直指

讀史經濟全在輿地輿地不明雖熟讀全史猶如說
夢然但注爲郡名縣名及地名山名水名者與不注
同卽或指出爲某郡某縣而但爲前代之郡縣名亦
與下注同也茲明郡名直曰今某省某府縣名直曰

今某省某府某縣山水地名直曰在某省某府某縣則國都之建立形勢之強弱戰爭之進退使命之往來如指諸掌如運諸目輿圖既熟經濟自生

別加黑圈

讀史與讀他書不同務在分涇渭別嫌微若但用密圈鮮不認於是非昧於得失茲則過是而得者用白圈○○○非而失者用黑圈●●●則人之賢好事之美惡言之曲直意之誠偽燦若碁置矣至有關照字眼則加尖點、點出

系金之知金
三
細分句讀

詞住而意亦住者爲句用小圈於字之旁。詞住而意未住者爲讀用小圈於字之中。使有句而無讀則文氣斷續意不深長。茲則有以數句爲句者。有以數十句爲句者。中用小圈以微歇之。界限分明。詞旨雋永。

校正字畫

字畫之譌誤於坊刻不知毫釐之差。千里之謬。一經道破。毛骨俱竦。如助作助決作決之類。義雖不通而猶爲一字。如以諡笑之諡爲諡法之諡。典籍之籍爲

藉田之藉之類則竟涸二字而爲一字矣不通孰甚
焉至若甲冑之冑與冑子之冑有分成亥之成與戌
卒之成有別之類則又微之微者予痛恨坊刻誤人
從來刻書行世俱手自繕寫謬誤頗少有識者自能
賞之

辨別音聲

一字有數音一音有一義如睢陽之睢讀雖恣睢之
睢讀誨乘桴之桴讀乎桴鼓之桴讀浮之類是也一
音有數聲一聲有一義如名譽之譽讀豫稱譽之譽

讀餘長短之長讀場長餘之長讀仗之類是也蒙師
教學信口讀去自誤誤人流毒不淺予痛恨此弊音
聲卽注於本字之下且字之四角悉爲圈出讀時爽
心快目於初學亦不無小補云

尺木堂綱鑑易知錄卷之一

周之烱靜專

通鑑前編定本

山陰吳乘權楚材同輯

周之燦星若

三皇紀

雙湖胡氏曰三皇之號防於周禮外史掌三皇五帝之書而不指其名其次則見於秦博士有天皇地皇人皇之議秦去古未遠意者三皇之稱此或庶幾焉漢孔安國書序乃始以伏羲神農黃帝爲三皇少昊顓頊高辛堯舜爲五帝不知果何所本蓋孔子於家語自伏羲以下皆稱曰帝易大傳春秋內外傳有黃帝炎帝之稱呂氏月令雖不可爲據然有日帝大昊帝炎帝帝

黃帝亦足以表先秦未嘗以伏羲神農黃帝為三皇也。至宋五峰胡氏直斷以孔子易大傳以伏羲神農黃帝堯舜為五帝。不信傳而信經。其論始定。然三皇之號不可泯也。則亦以天皇地皇人皇言之。但此三者本無所稽。意混茫初開。先有天而後有地。既有天地。則氣化而人生焉。皇極經世書以元經會所謂天開於子。地闢於丑。人生於寅。至寅始為開物之初。意三皇之號由此而稱也。

盤古氏

天地初分之時。盤古生於其中。能知天地之高低。及造化之理。故俗傳曰盤古分天地。

網盤古氏首出御世紀

太極陰陽之理。以爲之主宰。太極

即理也。

生兩儀陰陽也。兩儀生四象

太陽少陽太陰少陰

四象變化

而庶類繁矣。相傳首出御世者曰盤古氏。又曰渾敦。

盤古首出御世

豚上氏一

天皇氏取天關於子之義

綱天皇氏繼盤古氏以治紀一姓十三人繼盤古氏

天皇制于支以定歲

以治澹泊無為而俗自化始制干干支之名以定歲

之所在干幹也其名有十亦曰十母即甲乙丙丁戊己庚辛壬癸也支枝也其名一十有二亦曰

十二子即子丑寅卯辰巳午未申酉戌亥也戊音茂十于曰闕闕逢甲旃蒙

乙柔兆丙疆圉丁著除雍戊屠維己上章庚重光

辛壬玄默癸昭陽子十二支曰困敦子赤奮若丑

攝提格寅單卯闕辰執徐巳大荒落午敦牂未協

綱益易口象 卷之二 三皇 二 史本堂

新編易外傳 卷之一 二 月才堂

洽。湑吞灘炭。作醞。閼茂大淵獻亥兄弟

各作一萬八千作歲。

余宗海曰八千之千當作百蓋邵子以自有天地至於窮盡謂之一元一元有十二會一會有一萬八百年子會生天丑會生地寅會生人至戌會則閉物而消天亥會則消天而消地至子會則又生天而循環無窮矣自寅會箕一度至午會星一度該萬五千餘年正唐堯起甲辰之時也夫自開闢以來固有民物帝王第以書契未興無從稽考其日天皇氏地皇氏人皇氏蓋亦傳以其名而已故作史者以生民以來若干年歲而麗派於三皇等氏之下以足其數豈真有一萬八千歲之理哉然不以四萬五千六百年錄之於唐虞之前而置之於此蓋亦誤矣

地皇氏取地闢於

地皇以三十日為一月

地皇氏繼天皇氏以治。紀一姓十一人繼天皇氏

以治爰定三辰。日月星也是分晝夜以三十日為一月。兄

弟各一萬八千作歲

人皇氏取人生於寅之義

人皇氏繼地皇氏以治。紀一姓九人繼地皇氏以

人皇分山川為九區

治相去聲厥山川分為九區。人居一方。故又曰居方氏

當是時也。萬物羣生淳風沕。物穆主不虛王臣不虛

貴政教君臣所自起飲食男女所自始亦號九皇氏

兄弟合四萬五千六百年

崑山方鵬曰太極動而生陽靜而生陰既有太極即有陰陽既有陰陽即生萬物既生萬物即有聖人豈有一萬餘年陽始生而天開又一萬餘年陰始生而地闢又一萬餘年陰陽始交而萬物生又四五萬年陰陽始完而聖人生萬無是理也夫自堯舜至於今纔三千餘年耳三代已不如唐虞漢唐宋已不如三代世道升降不過二百年則一變矣豈有開闢之後四五萬年風氣尚未開人文尚未著水土尚未平生民尚未粒食直待羲農黃帝堯舜迭興而後治耶竊謂羲農去盤古之時必不遠其年可以干計不可以萬計也堯舜去羲農之世必甚近其年計也學者不可不察

有巢氏

依胡氏皇主大紀以有巢燧人二氏繼人皇氏之後

綱有巢氏構木爲巢紀太古之民穴居野處與物相

槓不爲巢

友。無有妒害傷之心也。妒如逮後人民機智而物始為

敵。爪牙角毒槩不足以勝禽獸。有巢氏作構架也木為

巢。鳥在穴曰窠。在木曰巢。教民居之以避其害。未知稼穡食草

木之實。未有火化。飲禽獸之血而茹食也其毛。先取其

皮蔽前後。取而蔽後。號曰有巢氏之民。

燧人氏

綱燧人氏鑽木取火。**紀**自有巢氏教民巢居。然猶未

知熟食也。燧人氏作觀星辰而察五行。知空有火麗

木則明。於是鑽木取火。教民以烹飪。而民利之。故號

鑽木取火

燧人氏以爲燧

取火之木

者火之所生也乃別五木以改

火

春取榆柳之火夏取棗杏之火夏季取桑柘之火秋取柞櫟之火冬取槐檀之火

順四時

而遂天之意由是火之功用治矣時未有文字燧人

氏始作結繩之政

大事則大結其繩小事則小結其繩以記之

立傳教之

遂皇四位

臺

師道始此

與交易之道人情以遂故又謂之遂皇有四

佐焉曰明由必育成博隕丘

五帝紀

五峰胡氏曰皇者初冒天下者也帝者主宰天下者也自燧人氏而上即三皇之世也自庖犧神農黃帝堯舜而言即五帝之世也是五君者有先天地開闢之仁後天地制作之義民矜于

五帝之名
實定

今受其賜故孔子稱之黃帝之後少昊顓頊高辛雖嘗帝天下孔子所以越而遺之必稱堯舜者以三君居位僅可持其世而已未嘗有制作貽萬世故也然則五帝之名實定矣梅嚴張氏曰按外紀自伏羲氏至舜三十一八總爲五帝紀考之經傳惟家語孔子與宰我問五帝德而大戴禮有五帝德篇及帝世適與宰我所問者相合司馬作史記紀五帝又與大戴禮者無異所謂五帝黃帝顓頊帝嚳帝堯帝舜是也及孔子答季康子問五帝則曰太昊配木炎帝配火黃帝配土少昊配金顓頊配水與前答宰我者不同而春秋內外傳黃帝之下堯舜之上又有少昊顓頊帝嚳則六五帝矣視前答季康子者又不同至於易大傳孔子之所作也有曰伏羲氏沒神農氏作又曰神農氏沒黃帝堯舜氏作雖無五帝之稱而爲之帝者則五人焉此與向之答宰我季康子者又不同其說紛紛果孰是而孰非哉愚讀易而知答宰我季康

著於大傳
者萬世之
公論

子者一時之權宜著於大傳者萬世之公論仰
觀俯察始作八卦以通神明之德以類萬物之
情則道統之傳肇於伏羲網罟之利以教佃漁
日中之市以通交易則生民之本植於神農宮
室門柝以安其居耒耜耨日以足其食舟車以
濟不通弧矢以威不軌衣服以華其身體書契
以驗其情偽而又有棺槨之制喪期之數焉伏
義神農既開物而成務黃帝堯舜又通變而宜
民如此則天下後世養生送死舉無遺憾矣則
是伏羲神農黃帝堯舜五聖人有先天地覆載
之仁有後天地生成之義誠非少昊顓頊帝嚳
所可及也故五峰胡氏直以大傳爲斷案必伏
義神農黃帝堯舜爲五帝而朱子序大學亦曰
此伏羲神農黃帝堯舜所以繼天立極有以哉

太昊伏羲氏

〔綱〕太昊伏羲氏以木德王〔紀〕太昊之母居於華胥

地名

在陝西西安府藍田縣

之渚小淵生帝於成紀

今陝西鞏昌府秦州

以木

德繼天而王

古之王者易代改號取法五行更旺相生先起於木太昊首以木德王天下蓋

木為四時之首也

故風姓

易巽為木為風

有聖德象日月之明故曰

太昊

木之位位在東方故有日月之象

綱

作都于陳

今河

教民佃漁畜牧

南開封府陳州

綱

教民佃漁畜牧

紀

人生之始也與禽獸無

異知有母而不知其父知有愛而不知其禮臥則呿

呿

區聲

起則吁吁

歎聲

飢則求食飽則棄餘茹毛飲血

而衣

去聲

皮革太昊始作網罟以佃

獵獸

以漁

捕魚

以贍民

用故曰伏羲氏養犧牲

牛羊豕曰牲犧色純者也

以充庖

宰殺之所

廚

書八卦造

烹飪之所

故又曰庖犧氏綱畫八卦造書契紀太昊德合

上下天應以鳥獸文章地應以龍馬負圖於是仰觀

象于天俯觀法于地中觀萬物之宜始畫八卦卦有

三爻因而重平聲之為卦六十有四以通神明之德作

書契以代結繩之政書制有六一曰象形謂日月之類象日月

形體而為之也二曰假借謂令長之類一字兩用也三曰指事謂上下之類入在一

上為上人在一下為下四曰會意謂武信之類止戈為武人言為信會

合人五曰轉注謂考老之類建類一首六曰諧聲謂

聲一也如江河之類以使天下義理必歸文字天下

文字六書

水為形以工可為聲也

文字必歸六書

南湖丁氏曰論字學者皆謂始於倉頡而不謂始於伏羲按倉頡為黃帝之史官或伏羲制字至倉頡而大備或倉頡即伏羲之臣而共成書契皆無從稽考也

作甲曆定四時

綱作甲曆定四時紀起於甲寅支干相配為十二辰

制嫁娶

六甲而天道周矣歲以是紀而年不亂月以是紀而時不易晝夜以是紀而人知度東西南北以是紀而方不惑綱制嫁娶紀上古男女無別太昊始制嫁娶

以龍紀官

以儷皮為禮儷偶數也上古未有布帛衣鳥獸皮故以為禮後世納幣本此正姓氏通媒妁以重人倫之本而民始不瀆綱以龍紀官紀

太昊時有龍馬負圖出於河之瑞因而名官始以龍
紀號曰龍師命朱襄爲飛龍氏造書契吳英爲潛龍
氏造甲曆大庭爲居龍氏治屋廬渾沌豚上聲爲降龍
氏驅民害陰康爲土龍氏治田里栗陸爲水龍氏繁
滋草木疏導泉源又命五官春官爲青龍氏又曰蒼
龍夏官爲赤龍氏秋官爲白龍氏冬官爲黑龍氏中
官爲黃龍氏於是共恭工爲上相柏皇爲下相朱襄
吳英常居左右栗陸居北赫胥居南昆連居西葛天
居東陰康居下分理宇內而政化大洽綱造琴瑟紀

太昊作荒樂歌扶徠詠網罟以鎮天下之人命曰立

基名歌斷桐爲琴繩絲爲絃絃二十有七命之曰離徽

琴名以通神明之貺以合天人之和絙庚桑爲三十六

絃之瑟絙絙束也以脩身理性反其天真而樂音自是興

焉綱帝崩葬于陳在位一百一十有五年神農氏繼世踐位。

渭上南軒曰按外紀伏羲之後有女媧柏皇中
央大庭栗陸驪連渾沌赫胥尊盧吳英有巢朱
襄葛天陰康無懷凡十有五氏相繼爲天子而
後神農氏作及考伏羲命官十五氏多與焉則
是皆佐伏羲之臣也或者又疑爲當時各君一
方如後世諸侯之國者未知孰是且閒多無稽
不經之語故姑闕之唯依易
大傳卽以神農氏繼之云

炎帝神農氏

綱炎帝神農氏以火德王。紀少典氏之君娶于有嶠

氏之女曰安登。生二子焉。長曰石年。育于姜水。今陝

西鳳翔府寶雞縣有姜氏城城南有姜水。故以姜為姓。以火德代伏羲氏

治天下。故曰炎帝。**綱**都陳。見上。遷于曲阜。今山東兗州府曲阜

縣。**綱**初藝五穀。嘗百草。製醫藥。紀古者民茹草木

之實。食禽獸之肉。未知耕稼。炎帝因天時。相地宜。斲

木為耜。揉木為耒。類。始教民藝五穀。而農事興焉。民

有疾病。未知藥石。炎帝始味草木之滋。察其寒溫平

熱之性辨其君臣佐使之義嘗一日而遇七十毒神

而化之遂作方書以療民疾而醫道自此始矣復去聲

察水泉甘苦令平聲人知所避就由是斯民居安食力

而無天札天死曰札之患天下宜之故號曰神農氏綱始

為日中之市為日中之市紀炎帝之世其俗樸重端慤不忿爭而

財足始列廛于國日中為市致天下之民聚天下之

貨交易而退各得其所綱以火紀官紀因火德王故

以火紀官為火帝春官為大火夏官為鶉純。南方火。

秋官為西火冬官為北火中官為中火綱帝崩於長

沙今湖廣茶鄉。即茶陵州。在○傳八世至榆罔而

亡。有熊氏繼世而立。

黃帝有熊氏

綱黃帝有熊氏。以土德王。**經**初神農氏母弟。世嗣少

典為諸侯。帝榆罔之世。少典國君之妃。曰附寶者。感

電光繞斗而有娠。震生帝于軒轅之丘。在河南開封府新鄭縣

因名軒轅。姓公孫。軒轅生而神靈弱而能言。幼而徇

濟。齊長而敦敏。成而聰明。國于有熊。即新鄭縣故號

有熊氏。長子姬水。故又以姬為姓。**綱**及炎帝戰于阪

泉紀神農氏衰諸侯相侵伐炎帝榆罔弗能征於是

軒轅習用干戈以征不享諸侯咸來賓從榆罔欲仁

陵諸侯諸侯益叛之軒轅脩德振兵教熊羆貔

貅休非也虎六者猛獸以與榆罔戰於阪泉地名在直隸保定府

之野三戰然後得其志綱誅蚩尤尤於涿鹿紀蚩尤

姜姓炎帝之裔異也好兵喜亂作刀戟大弩以暴虐

天下軒轅乃徵師諸侯與蚩尤戰於涿鹿今直隸順天府涿州

之野蚩尤能作大霧軍士昏迷軒轅為指南車車上有樓

刻仙人於其上車以示四方遂擒蚩尤戮之綱諸侯

雖回轉手常指南綱諸侯

誅蚩尤於涿鹿

以雲紀官

六相史官

倉頡制字

尊帝爲天子。代神農氏以治天下。**紀**軒轅自涿鹿誅蚩尤還天下諸侯共尊爲天子以代神農氏治天下。因其有土德之瑞故號曰黃帝。**綱**以雲紀官。**紀**帝初受命適有雲瑞之應因以雲名官。號爲雲師。春官爲青雲。夏官爲緇_赤雲。秋官爲白雲。冬官爲黑雲。中官爲黃雲。**綱**立六相。暨史官。**紀**黃帝得六相而天地治。神明至。風后明乎天道。太常察乎地利。蒼龍辨乎東方。祝融辨乎南方。大封辨乎西方。后土辨乎北方。帝命倉頡爲左史。沮_趨誦爲右史。倉頡見鳥獸之跡。體

立占天官

類象形而制字。**綱**立占天官。**紀**帝受河圖。黃帝往河洛有大魚

負圖上獻得其五要。乃設靈臺。測候之所立五官以敘五事。命

鬼臾謚占星。闕也授規。觀天之器正日月星辰之象。於

是乎有星官之書。命羲和羲氏和氏占日。尚儀占月。車區

作甲子

占風。**綱**命大撓作甲子。**紀**帝命大撓探五行之情。占

斗綱所建。始作甲子。占斗柄初昏所指月建而以十

作蓋天曆

綱命容成作蓋天及調曆。**紀**帝命容成作蓋天。察天文之

器即渾天儀也以象周天之形。綜六術。謂占日占月占星造律呂作算數作甲子

也。以定氣運。問鬼臾謚上下周紀。以作調曆。歲紀甲

寅日紀甲子而時節定是歲己酉朔旦日南至而獲

神策

著草也

得寶鼎鬼臾區曰是謂得天之紀終而復

始乃迎日推策

策數也得神著以推算曆數逆知節氣日辰之將來

造十六神

曆積邪

餘

分以置閏配甲子而設部

造曆皆起於甲子至朔同日謂

之章同在日首謂之部部終六句謂之紀

於是時惠順也而辰從矣

綱命隸

首定數

算數也即九章算法

以率其義條也要

平聲

其會而律度量衡

度量衡俱受法於律故律居先

由是而成焉

綱命伶倫造律呂

紀帝命伶倫取竹

解蟹谿之谷在陝

西行都司肅州衛崑崙山北

以生空

上聲

寂厚鈞者斷

短

兩節閒吹

造律呂

作數二

之以爲黃鐘之宮。又制十二筩同以象鳳凰之鳴而

別十二律其雄鳴爲六雌鳴亦六。以此黃鐘之宮生

六律六呂候氣之應以立宮商角徵紙羽之聲治陰

陽之氣節四時之變推律曆之數起消息正閏餘律者

候氣之管以竹爲之陰陽各六陽爲律陰爲呂總謂

之律者陽統陰也十二月陰陽之氣距地面各有淺

深故律之長短如其數律管入地以葭灰實其端其

月氣至則灰飛而管通以此吹之而成聲以節五音

之上黃鐘太簇姑洗蕤賓夷則無射爲陽大呂夾

鐘仲呂林鐘南呂應鐘爲陰也諸律皆有宮音而黃

鐘之宮乃八十四調之首其聲最尊音蕤音湊洗音

而大餘音皆自此起也筩即管也註選蕤音誰射

作十二鐘

亦音綱命榮猿員作十二鐘紀帝命榮猿鑄十二鐘協

作咸池之樂

月。箎以和五音。立天時。正人位焉。綱。命大容作咸池。

之樂。紀。帝命大容作承雲之樂。是為雲門。大卷。權。俱樂。

作冕旒正衣裳

名。命曰咸池。言其德象池。綱。作冕旒。正衣裳。紀。帝作。

冕。垂旒充纁。曠。冕後仰前俯主於恭也。旒以絲繩貫玉垂之。纁綿也。前有垂旒所以蔽目。

示不視邪也。旁有充纁。所以塞耳。示不聽讒也。為玄衣黃裳。以象天地之正。

色。綱。天玄而地黃。上易。法天下裳法地。旁觀。鞞。韞。雉名其羽。草木之。

華。乃染五采為文章。以表貴賤。於是袞冕衣裳之制。

興。綱。作器用。紀。帝命甯封為陶正。亦將為木正。以利。

作鼎

器用。揮作弓。夷牟作矢。以威天下。綱。作舟車。紀。帝命。

作合宮

作貨幣

作內經

其鼓化狐剗

剗。虛。其中也。

木為舟剗

剗也。

木為楫以濟不河

邑夷法斗

北。

之周旋作大輅

天子車名。

以行四方由是車

制備服牛乘馬引重致遠而天下利矣

綱作合宮

紀

帝廣宮室之制遂作合宮

即周明堂。

祀上帝按萬靈布政

教焉

綱作貨幣

紀范

同範。以模鑄金也。

金為貨

貨化也。變化交易之物。

制金刀

貨。貨於金。利於刀。名錢為刀。以其利於民也。

立五幣

珠玉為上。黃金為中。刀布

為以制國用而貨幣行矣

綱作內經

紀帝以人之生

也。負陰而抱陽。食味而被色。寒暑盪

蕩。

之於外。喜怒

攻之於內。天昏凶札。君民代有。乃上窮下際。察五氣

溫涼寒立五運甲巳土乙庚金丙辛木丁壬水戊癸火洞性命紀陰陽

教民蠶

分州一作

容於岐伯而作內經復命俞跗附岐伯雷公察明堂
究脈息虛彭桐君處方餌耳而人得以盡年綱命元
妃西陵氏教民蠶紀西陵氏之女嫫雷祖為帝元妃
始教民育蠶治絲繭以供衣服而天下無被親痲竹
手足中之患後世祀為先蠶綱畫野分州經土設井
紀帝畫野分州得百里之國萬區命匠營國邑置左
右太監監于萬國萬國以和遂經土設井以塞爭端
立步制畝以防房不足使八家為井井開四道而分

屈軼生處

著

文入盤。謂安土而有常居也。

而數詳。

綱

屈軼生于庭鳳凰巢于

閣。麒麟遊于囿。**紀**有草生于庭佞人人則指之。名曰

屈軼。鳳凰巢于阿閣。麒麟遊于苑囿焉。**綱**帝崩于荆

山之陽。

在位百年壽百十有一歲。

葬橋山。

在陝西延安府中部縣。

子玄覽踐

位。**紀**帝採首山

見十四卷十八

之銅鑄三鼎於荆山

見同上

之

陽鼎成。崩焉。其臣左徹取衣冠几杖而廟祀之。

少昊金天氏

鑄鼎荆山

綱少昊金天氏以金德王。紀名摯姓已黃帝之子玄

囂也。母曰嫫祖。感大星如虹下臨華渚。華胥之渚之祥而

生帝。黃帝之世降居江水。在蜀邑于窮桑。在山東兗州府城北故

號窮桑氏。國于青陽。今江南池州府青陽縣因號青陽氏。以金

德王天下。遂號金天氏。能脩太昊之法。故曰少昊。綱

徙都于曲阜。自窮桑徙曲阜綱鳳鳥來集。以鳥紀官。紀少昊

之立也。鳳鳥適至。因以鳥紀官。鳳鳥氏。曆正也。玄鳥

氏。司分者也。伯趙。即伯勞夏至氏。司至者也。青鳥氏

司啓者也。丹鳥氏。司閉者也。祝鳩氏。司徒也。睢鳩氏

司馬也。鵠氏，司空也。爽鳩氏，司寇也。鵠魂人聲鳩氏。

司事也。五鳩鳩聚民者也。五雉為九工正，利器用正。

度量夷也平民者也。九扈戶名為九農正。扈止民無淫。

作大淵之樂者也。綱作大淵之樂。紀時諸福之物畢至，作大淵之

樂，以諧人神，和上下，是曰九淵。綱帝崩葬于曲阜在。

八十四年高陽氏踐位，紀葬于雲陽山名在曲阜縣，故又曰

雲陽氏。

顓頊，高陽氏。

綱顓頊旭高陽氏以水德王，色尚赤。紀帝姬姓，祖黃

帝父昌意。初昌意娶蜀山氏女。曰昌僕。是為女樞。感

瑤光。貫月之祥。生帝于若水。

在四川雅州榮經縣

年十歲。佐少

昊。年二十。即帝位。以水德。紹金天氏政。初國高陽。

故城

命五官

在直隸保定府

故號高陽氏。

綱都于帝丘。

今山東東昌府濮州

綱命五

官。紀以少昊之四子重。該脩熙。實能金木及水。乃俾

重為木正。曰句。

鉤

芒。該為金正。曰蓐收。脩熙相代為

水正。曰玄冥。又以炎帝之子句。

鉤

龍為土正。而帝之

孫黎為火正。曰祝融。是為五官。綱改作曆象。以建寅

月為曆元。紀帝制曆。以孟春為元。是歲正月朔旦立

以建寅月為曆元

寶示
作承雲之
樂

春五星會于天歷營室宿冰凍始泮。蟄蟲始發。雞始

三號牛聲鳥獸萬物莫不應和。故帝為曆宗。綱作承雲

之樂。紀帝命飛龍氏會八風八方之風。東明庶東南。清明南。景西南。涼西。閭

閭西北。不周北。廣莫東北。條之音為圭水之曲。釋義圭水曲不詳以名氣

而生物。浮金効珍。水出金山出珍於是鑄為之鐘。作五基六

英之樂。以調陰陽。享上帝。朝羣后。名曰承雲。綱帝崩

葬于濮陽。即濮州。在位七十八年。壽九十七歲高辛氏踐位

帝嚳高辛氏

綱帝嚳哭高辛氏以木德王。色尚黑。紀帝姬姓名姁

親祖曰少昊父曰螭橋極生而神靈年十五佐纘帝

受封于辛年三十以木德代高陽氏為天子以其肇

作六英之舉

基于辛故號高辛氏

綱都子亳

今河南河南府偃師縣

綱作六

英之樂**紀**帝命咸黑典樂為聲歌名曰六英

言天地四時之

英華也

綱帝崩葬于頓丘

在直隸大名府清豐縣。在位七十年壽九十有九歲

子摯踐位**紀**帝普施利物不私其身聰以知遠明以

察微順天之義知民之急仁而威惠而信脩身而天

下服其色郁郁

猶穆穆也

其德嶷嶷

疑。言德高也

其動也時

舉

應天時

其服也士

衣裳如土服

帝既執中而徧天下日月所

照風雨所至莫不服從。帝元妃有郅台氏女曰姜嫄。

與帝禋

因祀精意以上帝而生棄為舜后稷其後為

周次妃有娥嵩氏女曰簡狄祈于高禖枚。求有飛

燕之祥而生契為舜司徒其後為商三妃陳鋒氏女

曰慶都有赤龍之祥而生堯是為陶唐氏四妃嫄

訾子氏女曰常儀生摯帝崩子摯嗣立。

帝摯戶位九年而廢諸侯尊弟放上。勳踐位是為

摯在位九年荒淫無度不脩善政諸侯於是廢之

帝堯

而推尊堯為天子。

靜軒周氏曰聖人應昌期而生扶輿之精孕之山川之英毓之河海之秀鍾之五行範其體萬善羅其躬固有禎祥之兆矣然不過乎氣化形化之理姜嫄禋祀上帝而生稷豈上帝悅其禋祀而錫之以嗣乎此猶可諱者至若慶都有赤龍之祥而生堯簡狄有飛燕之祥而生契嫫祖威大星如虹下臨華渚之神而生少昊女樞感瑤光貫月之祥而生顓頊果有是理哉五帝以父天母地而謂之天子天子雖以形相禪固父母之精也天生聖人爲生民主固必異於常人至若赤龍鱗蟲耳何必其祥而後生飛燕羽蟲耳何必其瑞而後育迨夫臨華渚之神尤甚怪誕安有人之一身可與鬼神交感而孕育耶其瑤光貫月容或有之矣蓋窮理儒者之要道其可不信理而爲記音扶輿氣載傳疑之所惑哉註音積貌眉山蘇氏曰燕墮卵於前取而吞之簡狄其喪心乎巨人之跡隱然在地走而避之且不暇忻

然踐之何姜嫫之不自愛也雖然史遷之意必
以詩有天命玄鳥降而生商厥初生民時維
嫫生民如何克禋克祀以弗無子履帝武敏
攸介攸止載震載風載生載育時維后稷而
之吁此又遷求詩之過也毛公作詩傳以鳥
降爲祀高禘之候履帝武爲從高辛之行及
之箋而後有吞踐之事當毛之時未始有遷
也遷之說出於疑詩而鄭之說又出於信遷
故天下皆曰聖人非人人不可及音也註司馬遷史
也甚矣遷之以不祥誣聖人也
記言簡狄見玄鳥墮其卵取吞之因孕生契姜
嫫見巨人跡忻然踐之而身動如孕者居期而
生稷天命玄鳥二句商頌詩辭玄鳥也總謂
之燕厥初生民十句大雅詩辭弗祓也祓無子
求有子也履踐武跡敏拇歆驚異也介大
也震娠也漢毛萇作詩傳鄭康成作詩箋
南湖丁氏曰史稱執中而徧天下等語則嚳可
謂至聖矣顧其立嗣也長不以稷德不以堯而

乃以荒淫之摯何耶人知堯之不立丹朱而不
知其德之於摯人知泰伯仲雍之讓王季而不
知其傲之於稷契人知王季
之受讓而不知其傲之於堯

帝堯陶唐氏

綱甲辰唐帝堯元載帝自唐侯踐天子位於平陽以

火德王**紀**帝姓伊耆名放勳帝嚳高辛氏之子帝摯

之弟黃帝軒轅氏之曾孫也帝母陳鋒氏女曰慶都

為高辛氏妃感赤龍之祥孕十有四月而生堯于丹

陵育于母家伊侯之國後徙者今山西太故曰伊耆

氏年十有三佐帝摯封植受封於陶今山東兗州府定陶縣年

堯十四月
生

十有五復封於唐今直隸保定府唐縣為唐侯故又號陶唐氏

摯在位九年天人厭棄諸侯尊帝為天子年十有六

踐天子之位于平陽今山西平陽府以火德王以建寅之月

為歲首綱命羲和羲氏和氏作曆紀數觀天之書象器以授民時

曆閏法

綱乙巳二載命羲和置閏法定四時成歲

綱戊申五載南夷越裳氏來朝獻大龜紀南夷有越

裳氏重平聲譯之言者曰譯來朝獻神龜蓋千歲方三

尺餘背有科斗文記開闢以來堯命錄之謂之龜曆

○堯之庭有草生焉曰蓂明英劫十五之前日生一

龜曆

曆草

葉十五之後日落一葉小餘則一葉厭上聲而不落觀之可以知旬朔故又名曆草

綱庚戌七載麒麟遊于郊藪鳳凰巢于阿閣

綱乙卯十有二載巡狩方嶽

綱癸巳五十載遊於康衢觀于華紀帝治天下五十

載遊於康衢路五達曰康兒童歌曰立同粒我烝民莫

匪爾極不識不知順帝之則有老人擊壤土塊也而歌

於路曰日出而作日入而息鑿井而飲耕田而食帝

力何有於我哉觀于華山名在陝西西安府華陰縣華封人掌封疆之

老人歌

兒童歌

祝

官

祝曰。使聖人富壽多男子。帝曰。辭多男子則多懼。富則多事。壽則多辱。封人曰。天生萬民。必授之職。多男子而授之職。何懼之有。富而使人分之。何事之有。天下有道。與物皆昌。天下無道。脩德就閒。千歲厭世。去而上仙。乘彼白雲。至於帝鄉。何辱之有。

虞舜以

綱癸卯。六十載。虞舜以孝聞。紀舜母死。瞽瞍更娶妻。而生象。象傲。瞽瞍愛後妻。子常欲殺舜。舜避逃。及有小過。則受罪。順適不失子道。孝而慈於弟。日以篤謹。年二十。以孝聞。耕歷山。

在山西平陽府蒲州

歷山之人皆讓畔。

田界漁雷澤在蒲州首雷澤之人皆讓居陶河濱今山東

昌府館陶縣陶丘河濱之器不苦窳與。陶燒瓦器也。苦作粗也。器中空曰窳。

什器日用之器非一故曰什器。於壽丘在山東兗州府東門就時猶言逐時。於負

夏今京昌府夏津縣所居一年成聚二年成邑三年成都

洪水為

綱甲辰六十有一載洪水為患咨四岳舉鯀命為司

空俾父咨訪問也。四岳官名。一人而總四方諸侯之事也。俾使父治也。

綱壬子六十有九載鯀治水績用弗成

微虞舜庸

綱癸丑七十載徵名虞舜登庸用也。二女嬪貧干虞嬪婦

也言為婦紀堯之子丹朱不肖乃求賢自代訪諸四

岳岳曰有鯀無妻之名民曰虞氏名也瞽瞍之子父頑心不

則德義母信之言弟傲舜以孝道諧和其家

使不至于惡帝曰我其試哉乃召用命以位職位也以

二女娥皇女英妻去聲舜

仁山金氏曰按史稱黃帝之曾孫嚳嚳之子堯

則堯黃帝之孫也又稱黃帝生昌意昌意生

顓頊歷窮嶠八康句望橋斗以至瞽瞍而生舜

則舜黃帝八孫也堯舜俱出於黃帝則二女

之妻不亦亡

已乎世系之

堯試舜於

紂帝試舜以事紀舜紂遂位于舜先試之以事以觀

其才德乃使之慎徽五典五典克從徽美也五典五

常也從順也左

五帝

舉十六族

氏所謂無違教也。此納于百揆。百揆時敘。百揆揆度。
蓋使為司徒之官也。納于百揆。百揆時敘。庶政之官。
猶周之冢宰也。時敘以時。賓于四門。四門穆穆。四方
而敘。左氏所謂無廢事也。賓于四門。四門穆穆。四方
之門。古者以賓禮親邦國。諸侯各以方至而使主焉。
故曰賓穆穆和之至也。左氏所謂無凶人也。此蓋又
兼四岳。納于大麓。烈風雷雨弗迷。麓山足也。烈迅
之官也。納于大麓。烈風雷雨弗迷。迷錯也。洪水為
害。堯使舜入山林。相視原隰。雷雨大至。綱舜舉十六
族。紀高陽氏有才子八人。曰蒼舒。隤。頤。欽。檮。戡。
大臨。危。荒。降庭堅。仲容。叔達。天下謂之八愷。高辛
氏有才子八人。曰伯翳。仲堪。叔獻。季仲。伯虎。仲熊。叔
豹。季狸。天下謂之八元。此十六族也。世濟其美。不隕。

其名舜舉八愷使主后土以揆百事舉八元使布五教于四方

甲寅七十有一載舜流四凶族紀帝鴻氏黃帝有不

才子號曰渾沌少吳氏有不才子共號曰窮奇頤

頑氏有不才子鯀號曰檇杌緡雲氏有不才子苗號

曰饕滔餮鐵○渾沌窮奇檇杌饕餮天下謂之四凶舜

皆投之四裔異○裔遠也四遠之地○虞書舜典流

三危蘇鯀于羽山○幽洲北裔之地在直隸順天府

密雲縣崇山南裔之山在湖廣岳州府慈利縣三危

西裔之地在陝西行都司沙州衛羽
山東裔之山在山東登州府城東南

乙卯七十有二載舜使禹平水土益掌火棄教民
播種契為司徒敷五教

舜受終于
文祖

丙辰七十有三載春正月帝薦舜於天舜受終于

文祖受終者堯於是終帝位之事而舜受之也文祖堯始祖之廟

制五刑

己未七十有六載制五刑墨劓剕宮大辟。墨黥。劓音異。截鼻。剕音廢。

刑足宮割勢辟音闕大辟死刑

作大章樂

庚申七十有七載作大章樂

神龜負文
出洛

辛酉七十有八載舜巡狩方嶽神龜負文出於

洛禹治水時神龜負文列於背有數自一至九洛水名在河南河南府城南

因九州貢

綱癸亥八十載禹治水成功因定九州荆梁雍豫揚青兗冀

貢賦乘玄圭入觀告成水土既平禹乘玄圭告成功於舜也水色黑故圭以玄云

肇十有二

綱甲子八十有一載肇也始十有二州禹治水後舜以冀青地廣分冀

州為幽州并州分青州為營州合為十二州封十有二山每州封表一山以為一州之鎮

濬川濬導十二州之川

綱癸未一百載帝崩於陽城今河南河南府登封縣壽百十有八歲紀

帝之為君也其仁如天其智如神就之如日望之如

雲富而不驕貴而不舒黃收收冠名取純同衣彤同

赤車白馬茅茨慈不剪以茅蓋屋不剪齊之樸桷角不斲椽方

斲削素題不枿雞○題懷題枿柱上橫木承棟者橫之似筭也大路不畫話○

大路祀天車越活席不緣爲席也緣飾也太羹不和

太羹太古之羹肉汁也無鹽梅之和
粢食籩不毀穀黍稷曰粢粢春爲八斗藜

藿之羹飯返於土簋飲於土銅開口羹器銅金銀珠玉不

飾錦繡文綺不展奇怪異物不視玩好去聲之器不寶

淫泆之樂不聽。宮垣室屋不堊。惡色。堊。白土也。堊色先泥之。次以白。

士飾布衣掩形。鹿裘禦寒。衣履不敝盡。不更爲也。

綱乙酉。一百有二載。舜避堯之子。居于南河之南。○

天下不歸堯之子而歸舜。舜於是踐天子位。

帝舜有虞氏

帝格于文祖

綱丙戌虞帝舜元載春正月元日帝格于文祖格至也前

受終告攝此踐天子位于蒲阪以土德王**紀**帝姚姓

名重華瞽瞍之子帝堯登庸而禪以帝位攝政二十

有八載堯崩喪畢始踐天子之位于蒲阪在山西平陽府蒲州

以土德王仍以建寅之月為歲首**綱**在璿璣玉衡

以齊七政在察也美珠謂之璿璣機也以璿飾機所以象天體之轉運也衡橫也謂橫簫也以

玉為管橫而設之所以窺機而齊七政之運行猶後

世之渾天儀也七政日月五星也舜初即位首察璣衡以齊七政蓋曆象授時所當先也**綱**命九官**紀**禹為司空宅百揆棄

命九官

齊七政

卷之五 帝

為后稷

教稼穡

契為司徒

教敷

皋陶為士

理刑

垂為共

恭

工治百工

益為虞

掌山澤

伯夷為秩宗

典禮秩敘也宗祖廟也主敘次

后夔典樂

教胄子

龍作納言

出納君命

是所謂九官也

封朱于丹以奉先祀

謂之虞賓示弗臣也

帝朝于瞽瞍封

弟象于有庠

禹

皋陶

益

稷

相與陳謨

虞書有大禹皋陶益稷三

巡狩四岳八伯

丁亥二載求賢才納諫立誹謗木紀帝廣視聽求

賢才以自輔欲納諫以聞其失立誹謗之木使天下

得攻其過置敢諫之鼓使天下得盡其言造五絃

造五絃

立誹謗木

南風之詩

三載考績

作簡韶樂

琴瑟帝彈五絃之琴歌南風之詩曰南風之薰兮可以解吾民之愠兮南風之時兮可以阜吾民之財兮

綱戊子三載考績人情在寬則肆過嚴則拘故三載考績以作其怠

綱庚寅五載作簡書作韶樂九成鳳凰來儀樂之總

名九成者樂之九成也來儀來舞而有容儀也帝以夔為樂正命夔為二

十三絃之瑟夔脩九招同六刻六英以明帝德正六

律和五音以通八風見上重黎欲益求人帝曰一夔

足矣

三考黜陟幽明

綱甲午九載三考黜陟幽明三考九載也九載則人之賢否事之得失可見

於是陟其明而黜其幽賞罰明信也

綱已亥十有四載帝庸作歌紀時景星出卿慶雲興

卿雲歌

百工相和而歌帝乃歌之曰卿雲爛兮糺縵縵兮
日月光華旦復旦兮八伯咸進稽首曰明明上天
爛爛星陳日月光華弘於一人

綱丁巳三十有二載帝命禹攝政總師

禹受命于神宗

綱戊午三十有三載春正月朔旦禹受命于神宗率

百官若帝之初神宗堯廟也禹受攝帝之命於堯廟總率百官一如帝舜受終之初也

禹敘洪範九疇

綱帝命禹敘洪範九疇天與禹神龜負文而出列於背有數至九禹第之以爲洪

復九州

禹征有苗

範九疇洪大範法疇類也洪範九疇治天下之大法其類有九一五行二五事三八政四五紀五皇極六三德七稽疑八庶徵九五福六極

綱復九州禹以十一州仍為九州

綱庚申三十有五載命禹征有苗紀時有苗弗率不

教帝命禹但征三旬苗民逆命聽服禹班還師

帝乃誕敷文德舞于羽于兩階七旬有苗格誕大也文德文

命德教也于羽皆舞者所執兩階賓主之階格至也言班師七旬而有苗來格也

綱癸酉四十有八載帝南巡狩崩于蒼梧之野在湖廣永

州府寧遠縣

壽百有十歲

綱乙卯五十載禹避舜之子居於陽城見天下不

歸舜之子而歸禹。禹於是踐天子位。

夏紀

大禹

綱丙子。夏后禹元歲春。正月禹踐天子之位。于韓。以

金德王。仍以寅月爲歲首。改載曰歲。

唐虞曰載。夏曰歲。商曰祀。周曰

年。蓋載以始一歲而終。歲以星一歲而周。祀以祭一歲而徧。年以禾一歲而熟。是四者名異而實同也。

紀帝妣姓。名文命。崇伯鯀之子。黃帝軒轅氏之玄孫

也。母有莘氏女。曰脩己。生禹。長九尺二寸。帝舜舉禹

使續父業。居外八年。陸行乘車。水行乘船。泥行乘橇。

禹會諸侯
于塗山

吹去山行乘橦。菊。橦以板為之其狀如箕。橦行泥聲。上橦謂以鐵如錐頭長半寸。施之履

下。以上山不蹉跌也。○橦音直。以開九州。見上。二通九道。○九州。道。○

九澤。九州之澤。○度九山。九州之山。○至是受帝舜之禪。踐

天子之位于安邑。今山西平陽府安邑縣。即韓國也。以金德王。

仍有虞以建寅之月為歲首。色尚黑。牲用玄。以黑為

徽號。徽號。旗之屬。綱巡狩。會諸侯于塗山。紀禹南巡狩。會

諸侯于塗山。國名。今江南鳳陽府。執玉帛者萬國。玉五玉。五等諸侯所執者。

即五瑞也。帛三帛。所以屬玉。諸侯世子執纁。公之孤執玄。附庸之君執黃。○初禹娶塗山

氏女。名曰嬌。驕。生子啓。辛壬癸甲。啓呱呱孤。而泣。禹

弗子。惟荒度。鐸土功。辛壬癸甲四日也。禹娶塗山甫及四日。卽往治水也。呱呱泣聲。

弗子弗念其子也。荒大度相也。土功治水土之功也。言娶妻生子皆有所不暇顧。惟以大相水土之功爲

作大夏樂

也。**綱**作大夏樂。建旗旐以辨等級。**紀**禹命皋陶爲夏

籥。大夏之樂曲。以籥吹之也。九成。昭其成功也。初黃帝作車。少昊

加牛。奚仲加馬。禹命奚仲爲車正。建旌旗旒。由旒析

懸鞀待士

爲旌。熊虎爲旗。旌旌旗之末垂者。龜蛇爲旒。以別尊卑等級。○懸鐘鼓磬。

鐸。陶。柄搖鼓。鞀有。以待四方之士。曰導以道者。擊鼓。諭

以義者。擊鐘。告以事者。振鐸。啓以憂者。擊磬。有獄訟

者。搖鞀。常曰。吾不恐四海之士。留於道路。恐其畱吾

十起三握

絕旨酒

雨金

鑄九鼎

門也。一饋而十起。一沐三握髮。以勞去聲天下之民。

古有醴。李酪。洛甘酒。曰醴。禹時儀狄作酒。禹飲而甘。

之。遂疏儀狄。絕旨酒。曰後世必有以酒亡其國者。

是時天雨去聲金三日。

綱丁丑二歲。皐陶薨。帝薦益于天。

綱己卯四歲。鑄九鼎。**紀**禹收九牧之金。鑄九鼎。象九

州。左傳宣公三年王孫滿曰昔夏之方有德也遠方圖物貢金九牧鑄鼎象物百物而為之備使民知

神姦故民入川澤山林不逢不若魍魎岡

兩莫能逢之用能協于上下以承天休五峰胡氏曰左氏以為鼎者圖象百物而為之備使民知神姦愚竊以為非矣魍魎魍魎自古

鑄鼎為萬世準

下車泣罪

鑄幣贖民

不以為天下患。惟鄙夫鄙婦言之。搢紳先生不道也。王者協于上下。以承天休。乃以此為事。而庸鑄之於鼎乎。然則禹所鑄者何也。始除洪水之害。別九州。之分野。差土。曰之高下。定貢賦之式。度立井田。封建之經。界盡一時。生養斯民之道矣。又鑄于鼎。以為萬世準耳。春秋之時。晉鄭鑄刑書。則知古人創制立度。欲傳久遠者。必於鼎矣。

綱庚辰五歲巡狩紀禹出見罪人下車問而泣之左

右曰罪人不順道君王何為痛之禹曰堯舜之人皆以堯舜之心為心寡人為君百姓各自以其心為心是以痛之○禹以歷山見上之金鑄幣也贖民之無餽厚旃賣子者○禹濟江黃龍負舟舟中人懼禹仰

視龍猶蝦
蜓

天歎曰。吾受命於天。竭力以勞去聲萬民。生寄也。死歸

也。予何憂於龍焉。視龍猶蝦煙上聲。蜓田上聲。須臾

龍俛同俯首低尾而逝。

綱癸未。八歲。巡狩江南。會諸侯。戮防風氏。帝崩于會

稽。紀初。禹到大越今浙江上茅山。在紹興府城東南大會

計。爵有德。封有功。更名茅山曰會稽。會稽者。會計也。

至是。禹巡狩江南。致羣臣于會稽之山。防風氏後至。

禹殺而戮之。禹崩于會稽。壽一百歲。因葬焉。

雙湖胡氏曰。禹之傳於舜者。心法授受。一中而已。天乃錫禹洪範九疇。而皇極居五。以一御八。

居中制外亦一中而已而吾夫子稱禹乃曰菲飲食云云何哉蓋中道之傳心法也吾夫子之論又指其孝心純至者言之也禹傷父以治水殛死故直以此自任卒之建立偉績克蓋前愆至於禘黃帝而郊鯀禹之心從可知識矣故於宗廟則致其孝祭服則致其美滿泚則盡其力寧飲食之菲衣服之惡宮室之卑皆不敢暇顧者其中心誠不忍一日安於天子之常奉故也味吾夫子無閒然之言其音洪範九疇見上二十深有以識禹之心者乎

註音

五禘黃帝而郊鯀出

帝啓

綱甲申夏啓元歲諸侯奉嗣子踐天子位

綱乙酉二歲伯益歸致就國帝親政大饗于諸侯

紀

大戰于甘

公歸政就國於箕山在河南河南府登封縣之陰啓親政乃

卽鈞臺在河南開封府禹州以饗于諸侯

綱丙戌三歲有扈氏大戰于甘紀時有扈國名今陝西

安府鄆縣氏無道威侮五行威暴殄之也侮輕忽之也五行水火木金土

怠棄三正謂不用正朔也三正子丑寅之正也夏正建寅啓召六卿征之六卿

六卿之卿也周禮每鄉卿一人平居無事則各掌其

鄉之政教禁令而屬於大司徒有事出征則各率其

鄉之一萬二千五百人而屬於大司馬所謂軍將皆卿者是也

大戰于甘地名有扈之南郊

不勝六卿請復之啓曰今茲不勝是吾德薄而教不

善也於是班還師琴瑟不張鐘鼓弗考擊不因席不

仍味因仍皆重也

親親長長尊賢委能隱神期月而有扈

服遂滅之。

雙湖胡氏曰帝啓嗣位之初何爲遽有有扈之變也太史公謂啓立有扈不服唐孔氏謂堯舜受禪啓獨繼父以是不服天下之事不出於創見非耳目之常習者不能不起人疑叛之心至重煩王師大戰而後滅之舜禹嗣位寧有是乎夫子定書而存甘誓固見啓之奮發有爲且著有扈氏不臣之罪而帝王升降之幾世變之一會從可識矣

音甘誓夏註書篇名

定書存甘

綱王辰九歲王崩子太康踐位。

太康

綱癸巳夏太康元歲王尸位居其位而不爲其事不脩先王之

政。

太康都陽
夏

綱辛亥十有九歲王畋田于洛表羿拒于河五弟御

母以從遂都陽夏紀太康畋獵於洛水之表十旬弗

歸言其遠則至於洛水之南言其久有窮后羿因民

弗忍拒之於河不得歸國窮國名羿窮國君之名也說文羿帝嚳射官故其後

善射者皆謂之羿有窮之君亦善射故以羿目之也厥弟五人御其母以從

于洛之汭瑞○溪待也五子咸怨述大禹之戒以作

五子之歌

歌太康既失國不得歸遂都陽夏今河南開封府太康縣

雙湖胡氏曰禹之訓曰內作色荒外作禽荒甘酒嗜音峻宇雕牆有一于此未或不亡太康一

犯禽荒之戒而竟以失音禹訓即在夏邦皇祖之訓豈欺我哉註書五子歌中

綱辛酉一十九歲王崩于陽夏后羿立太康弟仲康

仲康

命胤侯掌六師

綱壬戌夏仲康元歲命胤侯掌六師胤侯胤國之侯命掌六師命為

辰弗集于房

大司馬也**綱**秋九月朔辰弗集輯同于房謂日食也辰日月會次之名房所次

之宿也言日月會次不相和輯而掩食於房宿也

命胤侯征義和

綱癸亥二歲命胤侯征義和**綱**惟時義和義氏和氏堯時主曆

象授時之官至夏合為一官也沉亂于酒遐棄厥司至於日食大變

尚罔聞知王命胤侯往征之

奇相居商丘

帝相

綱甲戌十有三歲王崩子相踐位。

三山林氏曰羿廢太康而立仲康其篡乃在相之世是則仲康猶有以制之也羿之立仲康也方將執其禮樂征伐之權以號令天下而仲康即位之始即命胤侯掌六師以收其兵權義和之罪雖日沉亂于酒然黨惡於羿同惡相濟故胤侯承王命往征之以剪羿羽翼故終仲康之世羿不得以逞使仲康盡失其權則羿之篡夏豈待相而後敢耶

綱乙亥夏后相元歲徙都商丘。紀時權歸后羿相為

羿所逐居商丘。今河南歸德府商丘縣依同姓諸侯斟灌斟鄩

尋氏。二斟二國名與商丘相近故相依之。

寒泥殺羿

綱鑑易知錄

卷之一

三

綱壬午八歲寒泥捉殺羿紀有窮后羿因夏民以代

夏政羿恃其善射不脩民事淫于原獸棄武羅伯因

熊髡音茫龍圉音茫而用寒泥寒國名泥行媚于內施賂于

外娛魚羿于畋外內咸叛羿歸自畋家衆殺而烹之

羿篡夏自立凡八歲至是泥復殺羿而代之不改有

窮之號泥因羿室生澆堯去聲及豷戲

綱壬寅二十有八歲寒泥弑王于商丘紀泥使澆滅

斟灌斟鄩而弑帝相后民帝相后方娠震懷身也

逃出自竇歸于有仍夏遺臣舊名靡名奔有鬲名氏終

寒泥弑帝相
后緡歸有
仍
靡奔有鬲
氏

